



Eqqartuusseqataasartunut malittarisassat

Eqqartuusseqataasartutut eqqartuussivimmut ilaavutit taamaalillutillu suliami aalajangeeqataassallutit. Malittarisassiornermi ilaatigut apeqqutissarisinnaasavit ilaasa akinissaat siunertari-neqarpoq.

Attuumassuteqannginneq

Suliami suleqataalinnginninni suleqataanerullu nalaani suliami pineqartumut qanippallaarne-rit pissutigalugu suliami suleqataasinnaanngissinnaanerit eqqumaffigissavat, imaassinnaavoq soorlu unnerluussaq ilisarisimasarigit. Eqqartuussineq aallartitsinnagu qanigisaqarnermut apeqqut eqqartuussisoq peqatigalugu eqqartorneqassaaq. Apeqqummut qularuteqarnerit tamaasa eqqartuussisunut apeqqutissatut qaqitsisoqartassaaq.

Eqqartuusseqataasartutut inatsisilerinermik immikkut piginnaasaqartariaqanngilatit. Akerlianilli eqqartuussivimmi ilinnut saqqummiunneqartunut ammallutit isorinnissinnaassuseqarlutillu suliami aalajangeeqataanissat siunertaavoq. Suliap pappiarartai atorneqartussallu allat eqqartuussivimmi aatsaat takussavatit taamaammat suliami suleqataalinnginninni piareersartariaqanngilatit.

Avataani pisunit, soorlu suliaq pillugu tusagassiutini saqqummersunit imaluunniit ilaqttannit ikinngutinnilluunniit eqqartorneqarneranit sunnertissanngilatit.

Atisat pissuserlu

Eqeersimaarlutit qasuersaarluarsimallutillu takkuttassatit. Suliami soqutiginninneq ilinnut saatinneqannginnissaa eqqarsaatigalugu atisalersoriaaseqassatit. Soorlu akimut ersittunik

atissalersunnginnissaq, teqqiaqannginnissaq imaluunniit isersimmateqannginnissaq pingaaruteqarluni. Aamma atisat pinnersaatit allallu politikkikkut inissisimanermik assigisaanilluunniit ersersitsisut atorneqannginnissaat innersuussutigineqarpoq.

Assigiinngissuseq eqqartuussivimmi misigisinnaasat ataqqillugulu paasisinnaasariaqarpat. Taamaammat eqqartuussivimmi arlaannut attuumassuteqanngitsumik pissuseqarnissat pingaaruteqarluni. Eqqartuussinermi pisut pillugit paasinninninnik timikkut isummersornikkut allatigulluunniit ersersitsinnginnissat pingaaruteqarpoq. Tamanna illuinnaasiornertut paasineqarsinnaammat. Inimut eqqartuussivimmut oqarasuaammik angallattakkamik nas-saqqusaanngilatit. Aamma nerisassanik imigassanillu inimut eqqartuussivimmut nas-saqqusaanngilatit, taamaammat imeqarpoq.

Eqqartuussiviup avataani suliami peqataasut attaviginissaat tamatigut pinaveersaassavat.

Isummersinnaanermik pisinnaatitaaffik nipangiussisussaataitanerlu

Eqqartuussivimmut attuumassuteqartillutit nipangiussisussaataitanermut mianersuussinermullu malittarisassat immikkut ittut atuupput.

Suliap aalajangiiviginiarnerani eqqartuussiviup eqqartugaanut taasineranullu nipangiussisussaataaneq atuuppoq.

Suliaq ingerlasoq pillugu ilaqttatit ikinngutitillu eqqartueqatigeqqusaanngilatit aamma pismasut eqqartuussivimmi paasisatit pillugit malunnaarsaassaatit.

Allatulli isummersinnaanermik pisinnaatitaaffeqarputit taamaammallu pisortatigoortumik oqallinnernermi peqataasinnaallutit inuttullu isummatit saqqummiullugit. Aamma taamaappoq sammisani eqqartuussiveqarfimmut tunngasuni. Tunngaviusumilli tamatigut suliat atasiakkaat ingerlasut imaluunniit aalajangiivigineqareersut pillugit tusagassiorfinnut imaluunniit inuit attaveqatigiiffiit oqaaseqaaqqusaanngilatit.

Oqaaseqartarnerit ataatsimut isigalugit eqqumaffigissavatit, minnerunngitsumik eqqartuussi-veqarnermi politikkimut isummersornerit. Assersuutigalugu Facebookikkut imaluunniit inuit attaveqaqatigiiffiisigut hashimik atuinermut inuttut tunngavilersorlutit pillaausunnginnermik isummersoruit, siunissami assersuutigalugu hashimik tigummiaqarnermik suliani akooq-qusaanngitsutut eqqartuusseqataasinnaajunnaarninnik kinguneqarsinnaavoq.

Apeqqutit allat

Allanik apeqqutissaqaruit eqqartuussivik eqqartuussisooqataaffiit saaffigisinnaajuaannarpat.